









## ازجال

سيد المنسيدي

بالاسماعيلية

الجزء الأول

الفن ف ديوانك جيته من بحر كير  
نظحك ودررك منشوره : بالفن خير  
وعظ . وحكم . كل كلامك مين زيك مين  
تعيش يا (سيد) لآخوانك . خدام للدين  
حسن بيومي - زجال اجتماعي

الطبعة الأولى سنة ١٣٥١ هـ

( حقوق الطبع محفوظة للمؤلف )

بمطبعة البعث العربي الإسلامي حافظ محمد زقوة  
بمطابع كورناتو مطبعة البعث العربي الإسلامي











﴿ صورة المؤلف ﴾



سید محمد حسن الحندی



## الآهداء

الى أستاذى الماضى حسن أفندى البنا

أهديك يا أستاذى الغيور \* يا سرب أرواحنا يا غالى

بكل حب أوكل سرور \* أول ديوان من أزجالى

سيد الهندى

## المقدمة

بِسْمِ اللَّهِ الرَّحْمَنِ الرَّحِيمِ

الحمد لله والصلاة والسلام على سيدنا محمد أفضل المرسلين \*  
وعلى آله وصحبه ومن قام بدعوته إلى يوم الدين \*  
﴿ أما بعد ﴾ فقد ترونا أول مختارات الشاب المثقف [ سيد  
افندى الهندى ] فى قالب الزجل وإنها لبا كورة طيبة إن شاء الله \*  
وأشد ما يعجبني فى هذا الملاك الوديع شدة تمسكه بدين الله  
الحنيف . وأنها لظاهرة نادرة فى شباب اليوم المثقفين \*  
فقد نرى الشباب وقد المهتم زينة الحياة الدنيا بهرجها الزائف  
وزخرفها الممتوت فركبت رأسهم المعاصى وتمادوا فى ضلالهم المرذول  
أما هذه الزهرة المزدهرة الياقة فقد نمت فى حديقة خصبة  
سرعان ما تورق عودها فأنبئت أطيب ورود فاح شذاها وكانت  
فتنة للناظرين \*  
وإن شكرت أدن إنما أشكر الفارس لهذه الزهور المتولى

حماتها حتى ازدهرت ذلك هو الفاضل الربى الكبير الأستاذ [حسن  
 احمد البنا] فقد كان غضنفرًا فذًا . من حماة الدين . هاله أن يرى  
 الشباب وقد انغمست في الشهوات فنادى بدين الله وشرائع الاسلام .  
 وأنشأ جمعية إسلامية كبرى سماها (جمعية الاخوان المسلمين ) كانت  
 لها اليد الطولى في تثقيف نفر غير قليل من شباب البلد فخلعوا  
 أسمال الطيش واتبعوا فضيلته وتخلوا بخصاله فكان لهم نعم المرشد  
 الكبير \*

وها قد برى القارىء نفثات شبل صغير من أشبال الأستاذ كلها  
 آيات بينات تنساب من قلب ملاء نور الحق وكأنها تنساب من  
 هدير طاهر الأديم - فبارك الله في شباب قد أفلح - وبارك الله  
 في قوم مصلحين ؟

حسن على يومى

## يُؤَا صفوفكم

الحميد لله مولانا :	خالق الاكوان
وشغلها بخلايق يامه	وبانس وجان
أربع كتب جاءوا منه	لاربع أديان
زبور . وانجيل والتوراة	ولنا القرآن
بين لنا فيه الواجب	واحنأ تركناه :
والدنيا غرتنا زينتها	ياحفيظ بالله
ورانا أخرة فعل الخير	والشر كمان
وقال بحكمة وأرادة	(مُقتل الانسان)
ما أ كفره بنعمة ربه	عباد المال :
يسرق ويقتل ليناله	وضلال ف ضلال
ويصرفه ياميت حسره	ف خمر ونسوان

( ٧ )

وأخبرته زى صاحبهم	فالسجن مهان
دى الوقت أصبح أكثرنا	ما يخافس الله
ولا يفتكرش فى يوم يبقى	قدام مولاه
ويقول له زى ما أمرتك	معملتش ليه :
لك الجحيم ياللى عصتني	يبقى يقول إيه؟؟
من الكسوف يسقط لجمه :	من وشه حقيق
أعضاء تكون شاهده ضده	عند التحقيق
النار تزغرد قدامه :	خدامها غلاظ
الكل من عاصى المولى	تلقاه متغاظ
يقول له يارب ارحمني	اعفى يا رحمان
يقول له عدلى لازم منه	دا حساب وميزان
عدلى يرد الشيء للأصل	من غير محاباه
المظلومين فرحوا وقالوا	شكراً لله :



( ٨ )

يا مسلمين كلمه صغيره	(لماصفو فكم)
خدوها من زجال لاخوان	دانا محسوبكم:
خايف تباغتتنا الأعداء	واحننا نايمين
شوفوا الملاهى مليانه	جوامع فاضيين
أوقات فرغنا بنقضها	فى المعصيات
ولا نفتكرش اللى خلقنا	غير ف الزنقات
يا خلق صارت أعمالنا	زى الكفار
الى وعدم مولانا	بدخول النار
ح نبقى ننكر أعمالنا	دا سميع وعالم
مجب نداوم ع الطاعه	يا شعب كريم:



## ❦ الدين يستغيث ❦

أخوكوا مره دخل ف كفيه<sup>(١)</sup>      نواحي مكتب (وليم سون)<sup>(٢)</sup>  
 جرسونه جه قال تشرب إيه      عن طايي فهمت الجرسون  
 وقعدت من ضمن القاعدين      ع القهوه بيقولم حكايات  
 وجه خطيب غيور ع الدين      خطب وقال (الدين قد مات)  
 بصيت لهذا الشاب لقيت      مسكين عينيه بتخر دموع  
 صعب على الدين وبكيت      من كذابين كانوا ف الموضوع  
 على مسلمين ضعفوا الاسلام      وصبحوا لشرع مخالفين :  
 هات القيامه يارب قوام      أحسن عبادك مش خايفين  
 أصبحنا تقتل بعض ياناس      لجل الفلوس جرى ايه مالد

(١) كفيه - بورصة

(٢) وليم سون - مقاول بالاسماعيلية

الدين بتاعنا يا شيخ عباس يدستغيث من أعمالنا

فظاعتنا زادت يا اهل الجليل ف القتل كثرت حوادثنا  
غرضنا تقتل ألف قتيل لما الشيطان دا يحدثنا

تملى اسمع ف الجرائين على جنائياتنا اللى بتحصل  
ف برنا عن ناس مجازين م المجرمين اللى بتقتل

الشخص منا بيقتل ابوه : عشان ما يورث أمواله  
ويشوف مصيبه كان لاخوه وبعدهم يحظى آماله

وإن كان له أم يا ما تتهان من بعد ما يموت الوالد  
تشوف عذاب أشكال والوان من ابنها الولد الفاسد

وإن قالت له يا ابني حرام الأم مين بيهدلها :  
بظهر لها فعل الاجرام يهجم عليها ويقتلها

وإن انطبط وخذوه سجنوة فلوسه تظهر للمحاماه  
بص تلقاهم ضمنوه : ويبقى يوم الجلسة معاه

ألف شاهد يشهد زور	وميث يمين يحلف باطل
ويطلع المجرم مسرور	كأن مش هو القاتل
معظمنا يحبوا الأموال	من حبهم ضلوا وكفروا
خلوا الزمن أصبح بطل	والحسنيين منه اندثروا
إلى حداه أنفين فدان	وم النقود حايز ملايين
ليه بالربا يعطى الغلبان	مدام يشوفه فقير مسكين
يمكن يكون عايل أيتام	والده مال واحد ربه
لكن المرابي يقولش حرام	عايز يزود ف مكاسبه
ما يخافش أبدأ من ربه :	ويعرف أن الدنيا زوال
دا القرش بيجمد قلبه	ومن كده عايشين ف ضلال
معظمنا صبحوا يا باس ضالين	يفكروا ف القرش لا غير
وعن عبادة الله غافلين	وزاد يقول إن الدنيا بخير
يامسلمين رح تنسى الله	من كتر حبنا ف الأموال

صبح زماننا زمن محابه . فيه الفقير ماينولش آمال

إن الفقير راح للميسور      وقال له عايز خمسة جنيه  
مديه بمعاد وان كان معذور      يقيم قوامك حبز عليه

وعفش بيته قوام ينباع      المشتري بائحث أمان  
والمشتري تلاقيه طماع      عاوز يكون هو الكسبان

أول مايسمع بيع على طول      يروح يفصل فيه طمعان  
تلقاه اما يفصل شيء يقول      عليه ماينفعش وخسران

ويمكن الشيء يبقى ثمين      ويفقدوه المارين \*  
بشمن زهيد المشتريين      وينخره صاحبه المسكين

شوفوا الأوربي يامصريين      أول مايجي بلادنا فقير  
يلقى من جنسه مساعدين      من المساعده يعيش بنكير

يادوب يروا عليه سنتين      إلا وحده ثروة وأطيان  
ويوت وباعد عنه الدين      ويبقى من ضمن الأعيان

حى ايد على ايد بتساعد و ايد لوحدها ماتسقفش

واحنه الفايطجى اما يواعد بعد المعاد يحجزع العفش

الدين بتعنا ما يومرناش نأخذ من المحتاج ملیم :

أكل الربا دا ما ينفعنش يوم القيامة يا خالق عظیم

دا يوم يشيب فيه الأطفال يبقی المرابي فيه يا ويلاه

ما ينفعوش لابنين ولا ملل ( والأمر يومئذ لله )

### ﴿ بدعة الزار ﴾

نسواننا بالبدع اشتهروا ليه يابن الدار

وحق ضحكوا على دقوننا بحكاية الزار

تلقى المره تقول للراجل جسمى تقلال

وعايزه ابيت منديلى عند ام زيدان

يقول لها ازاي يا امرأتى أترك داييات

ف دار فلانه المشهوره بشيخة الكوديات

الزاردا بدعه تقول أبداً شوف ام خليل  
اشمعى دى امبارح و دت عندها منديل

وشوف كان ام محمد واست ام أمين  
وناس كتير ودوا أترهم عند ام يسين

وانا موديش منديلى ليه يعنى حرام  
وكتين منده ومنها يتخنقوا قوام

يبقوا ف نكد مع بعضهم ليل ويا نهار  
ومن تقارهم وزعيقهم يتلم الجار

حريم تقول له بلا فضيحة وبلا استبداد  
ياشيخ مراتك مشى لها طلب الأسياد

ويبلغو لك ف صاحبنا لغاية مايلين  
وان لان عدوك يركبها فيه وتسعين

عفريت وناخذ منديلها	للكوديه عشان
تصحها لها وتوضح ••	لها عالى بيان
ان كان عليها شيخ قبطى	والا يونانى
فأترها يظهر ودى بدعة	ايه ياخوانى
ان كان بقى مسلم يطلب	خلخال وحجاب
وديك وحفظه مكتوبه	باسم الوهاب
وخروف سمين ويكون أبيض .	ولاهش قرون
وطرحه بيضه وجلابيه	توت عنخ امون
وان كان جريمجى أو قبطى	يلزمها تجيب
مقص آل وصباغ كافر	للمسيو صليب
وترجع الست لجوزها	وتقول له قوام
هات اللزوم احسن مارقد	فى الفرش وانام
واموت ياسيدى وتعدمنى	ما تعرضنيش



دانا مراتك وحبيبتك	ما ترعلنيش
يصعب عليه من لهجتها	ويروح ع السوق
يجيب لها كل حاجتها :	علشان ماتروق
طالباتها تحضر وقوامك	ميت شمعته تقيد
على كرسى فوق منه (الحنه)	ودا بدع أكيد
الناس تملى تقول يا بني	إن العفريت
بيخاف من الولعه ويهرب	من عود كبريت
وازاى بيحضر بالدمه	على كثر النور
واحنا كان بنصدق به	ونشم بنحور
اشمعي بس المصريه	يركها الجان
أما المدام لافرنجيه	بتعيش ف أمان
لادق تعرف ولا كوديه	تنشد ألحان
يوسف مشخلم ومدلع	على كل ميدان

حفیش یا معری کلام من ده	عند الأروام
غیرش احنا بس بنشعلق	بالبدع قوام
فی بدعة الزار بنیعزق	جنیهات ومفیش
أبدأ فواید شفناها	من دی الهویش
ماشفنا م الزار ده إلا	کفر الذسوان
تدبح بهیم وتاخذ دمه	تعمله صلبان
على صدرها بدعه تکفر	فینا اشتهرت
الحرمة تکفر ولا تشعر	من إيه کفرت
والکفر شوف ازای ظاهر	زی المصایح
باین بأن المر یوحه ۰ ۰	کفرت بصحیح
والکفر ذنب عظیم جداً	ملوش الا النار
وذنبهم داف رقیبتنا ۰ ۰	یا الله یاستار

أكم بدع حلت بينا	مكروهه وعار
بدع كثير قوى ياأخينا	مش بس الزار
الزاردا ( تشنج ) عصبى	ياسيد العارفين
مايلزموش لبس وصيغه	دا كلام مماحين
كلام ماينفعش ببصله	ولا قشرة توم
مادمنا به مش ح نحصل	ولا ألعن قوم
أما ان تر كناه نتقدم	ونفوق ع الغير
نبقى أحرار ف بلادنا	وتعالى بخير

﴿ أزمة سنة ١٩٣١ م سنة ١٣٥١ هـ ﴾

الازمه يوم عن يوم بتزيد      والحال صبح كله معسر  
 طول السنه واحناف تنكيد      ياخاق والله حاجه تحسر  
 كفرنا لازم بالنعمة

الازمه فى الأرطان عمت فقير غنى منها يشكى  
قال الغنى الأموال خست أما الفقير حسره يبكى

أنا حتى بعث جوز الحزمه

الوقت أصبح يقدرنا : من بعد ما نكون قدرينه  
حتى النحاس الذى دارنا عند المبيض رهنينه  
مع أن له عندنا لازمه

العسر طال والله علينا والدمعه بتفر من العين  
سنه تمام طالعه عنينا وادى احناح نطبق سنتين  
طال المطال واحنا ف نغمه

بين الضلوع ساكنه الحسره والقلب فيه النار قايدة  
واللى حده مسكين (أسره) شبع مرار ولا فيش فايدة  
ياخلق من صرف الهمة

الحجز داير ع التجار والحاله سوءها مطهقهم  
فى كل يوم خمسين انذار دايره الحكومه تفرقهم

وتقول لهم خطوا (الفرمه<sup>(١)</sup>)

وأبو ابراهيم جازنا الفلاح م الفتر طلق ستوته  
 يدشكى م التور النطاح ويقول داطفحني الكوته  
 وخلي عيني بقت وارمه

وأبو العيال بيقول عايز أجيب ملابس لولادي  
 (الوقت) قال له مش حايز تجيب لهم في الازمه دي  
 دي الناس بتبكي وف غمه

بقى الوطن كله ف تأخير لما ظلمنا ف بعضينا \*  
 والروح بقت عند المناخير والعيشه أمر من الكينا  
 أكترنا مش لاقى اللقمه

الوفر دار ف الشغاله أشغال مفيش ولا تقديه  
 يتسنا من سوق الحاله إيه الطريقه العمليه  
 ياناس قولولى بالذمه

خلاص بقينا بنوحوح      والفقر كاسر لقلوبنا °°  
 ماشفنا يوم حلو يفرح      من يوم ماعشش ف جيو بنا  
 مرر عيشتنا ابن الصرمه

أرجع وأقول ان دا كله      غضب علينا من المولى  
 لو كنا ديمًا نخلص له      يعمننا السعد علولى  
 اخلاصنا عيات بالحه

كانوا ناس زمان لله تعالى      يتدللوا لو تنعسر  
 وقوام بأمر المتجلى      ترويق وتحلى وتيسر  
 ويبقوا فى خيرات عمه

مش زينا غافلين عنه      بنشتمكى اليأس لغيره  
 والرحمه والغفران منه      والدنيا مليانه بخيره  
 خيراته فى الأكوان جمه

فك العسير وشيل الازمه      من البلاد المصريه  
 واصاح يارب حال الأمه      وشبع الناس تقديه  
 وامنن علينا بالرحمه

﴿ فضل جمعية الاخوان المسلمين ﴾

( نظمت ما يأتي عن لسان شبان يقرؤن بفضل

جمعية الاخوان المسلمين عليهم )

الحمد لله مولانا ملاك الملوك الى نهانا

عن المعاصي وهدانا

نظريق النور

أمر عباده بتوحيده الجن والانس عبيده

والعبد لما يطيع سيده

دا يكون مشكور

واحنأ يا عالم قصرنا تفصير شديد فيما أمرنا

رب البريه وأكثرنا

أصبح يعصيه

ياما خلايق ملهيه عن العبادہ مقتضيه :

أوقات فراغها في معصيه

شيء لم يرضيه

قبل اجتماع دى الجمعيه بمدينة الاسماعيليه :

كان كل مشيننا معصيه

شبان فاسدين

من غير مؤاخذه فلاتيه وحشاشين وسكريه

وحب عيشه ونبوه

نسانا الدين

كان كل مكسبنا يومآتى نرميه فى بار (الكلفانى)

طناشى . عزت . سكراتى

ياما كسبوا فلوس



( ٢٤ )

وكل يوم كان والثاني ناكل محاضر ياخواني

ياما كلنا في القسم بواني °°

من إيد (محروس<sup>(١)</sup>)

شبان وعارشينف ملاهى الماوى بارات ومقاهى

م الخره تتأق دواهى

ومن المريمات

حب الحریم نایبه جسیمه :: والله الحریم خاینه لئیمه

شفنا الخیانه فی السما

وكتب روایات

القصد كانت أعمالنا فظیعه رایحه مدخلنا

جوه النیران ولا علی بالننا

کنا ضالین

(١) محروس - شاولیش بیولیس الاسماعیلیة وكان

.....

غير الخور وغير التحشيش والبصيصه والحب مفيش

وفعلنا فعل مايرضيش

رب العالمين

---

ولما حب اللى بارينا رب العباد أن يهدينا

لنوره جاءت تناديننا

دى الجمعيه

دخلنا فيها اتعلمنا بعد الضلال أحكام ديننا

وتوبنا لله وندمنا

ع المعصيه

---

والآن غرضنا ومسعانا مع رئيسنا اللى هدانا

نذل ع الخير ويانا

شبان دايرين

فى طريق فساد زى مادورنا ومسخره قبل دخولنا

( ٢٦ )

جمعية الاخوان كنا .

معهم سايرين

يا هدى الكمال كل مرامنا تؤدى دعوة اسلامنا

على طاعة الرب عزمننا

والعزم ظهور

لنا أمل نحي السنه أدى انتموا شايفين يا خورانا

.. البدع زايده ف زماننا

عن كل عصور

حریم رجال فيه مبتدعه يامسلمين ومن البدعه

سنة نبينا بقت ضايعه

والدين ف آلام

عايزين يا عالم نحييها فى عصرنا ونزكيها ..

واجب علينا نعليها

شرط الاسلام

غرضنا نوری لناس ضلّاله طریق الّا له لجلّ علی الله

قلوبها تحشع لاهولی

وینالها رضاه

وناس أسافل ضلّالیه قالوا علینا بهائیه

ظلمتنا والله الناس دیه

منهم لله

والاحناف سبیل الله مجاهدین وكلا ف السكون زاهدین

وقصدنا تطهیر الدین

من دی الأرجاس

الذین بقاعنا بحوارحنا نظهره لو أرواحنا

تروح فدها شیء یفرحنا

قبیل ما ینداس

وحتى من ضمن جهادنا عملنا جامع ف بلدنا

( ٢٨ )

ومدرسه والى ساعدنا .°.

ع الفعل إياه

ناس مخلصه ع الخير ناويه فرحوا ببنيان الزاومه

من شدة الايمان غاويه

تعمل لله

بما خلّاق اتقياً تعمل لدينها بحفيه

بدل الجنّيه تصرف ميه

ف طاعة للمنان

يا نجت من يصرف ماله فى فعل خير دا يبقى له

نعم الايمان وهنيه له

برضا الرحمن

ما ينفع الانسان إلا ما قدمه من فضل الله

أما البخيل لاحول الله

ف النار يندس

يا خازن الأموال ما تفوق      ذا الموت محايذك يا مخلوق

وانت بجمع المال مفلوق

على إيه كده بس

### ﴿ تخويف المعصاه ﴾

دائمًا تقضى كل أوقات فراغك      فى الملاهى ليه ماتعبدش الاله

ينوبك إيه خلاف قلبه دماغك      لما تبخل ع اللى خلقك بالصلاه

مت هواءك وطاوعت الشيطان      والاعمى زين لك السكه الرذيله

نحيط بكره زاسك فى الحيطان      والندم يكثر على ترك الفضيله

سوء فعالك باغ الشيطان مناه

كاسات الخمر قاعد ما انت سائل      فاكر ان الرب غايب م الوجود

دا انت ضيف فى الدنيا وفى يوم منها راحل

( عبد ) فانى ليه يكون قلبك جحود

ربنا شايف عمايلك فى سماه .

ليه بتمعى الله وما تخافشى العذاب      تدحى النسوان وتسكرف الباراد  
والعلم فى الخزانة حساب      ويا شخصك يالى غاوى المنكراد

وف معاصى الرب تقضى الحية

شبان الايام دى يا بيت ألف حسره      فعاهم مذموم ومسماهم ضلال  
تلقى منهم بالكثير فى اليه عشره      مخادين لله ويحبوا الحلال  
لما طاعوا المولى زادهم من هداه

واللى يققع لك (ياسيد) ميت مراره      يبقى لسه الشاب ابوه بيصرف عليه  
وبسلامته لما يدخل جوه حاره      المعازله يبقى عامل نفسه بيا

م العياقه حاطت (البودره) فى قفاه

وحجيملك يالى ما تخافشى الرقيب      يوم عظيم مقداره زى الف عام  
عاصى ربه يبقى له موقف صعب      بين أيادى المولى فى يوم الزحام  
يوم ترحب نار جهنم بالعصاه

فوق دماغك ليه تشيل أوزار كثير

والرقيب ويا العتيد را كبين كنافك

يا ابن آدم ليه يكون قلبك ضرير وانت عند الله مكرم عن خلافك

اعمى يوم الحشر رح يبقى بعاه

واللى ما غروش بمولاه الغرور والشيطان ما مكنوش يضحك عليه

يبقى يوم الفصل ماشى وحوله نور نور إيمانه شوف بيسعى بين يديه

والرسول ف الجنة يتقابل معاه

يا هنا اللى ف الحياة الدنيا كان قلبه خالص لى خلقه ده ينفوز

بالرضا ويكون له ف الجنة مكان للتنعم وبرسول الله يلوز

وف جنان الخلد يوجد مشتهاه

جنة الفردوس مأوى المؤمنين اللى طاعوا الله وعملوا الصالحات

امتى أشوف شبانا بيقوا مخلصين يصرفوا قوة شبابهم ف الطاعات

أرجو رب العرش يشملهم رضاه



## ﴿ ناس الزمان داو أهل زمان ﴾

من العدم أنشا الأكوان	: الحمد لله المنان
خلق من الطين الانسان :	بقدرته وكبر عظمته
: وفضله بالعقل كان	وصوره ف أحسن صوره
ما خلا هوش ف الدنيا حيوان	خلق له عقل يعيز بيه
عشان يبص بها ف ملكه :	كان جعل له ف وشه عيين
رفعها دون حد يشاركه :	يشوف (سما) من غير عمدان
ولا جبل متدلل ماسكه	وقر مهش مسنود على شئ
وشمس بتخليه دفيان	ويشوف نجوم منظرها جميل
والحق ظاهر فيها تمام	خلى له كل الكون مريات
وهي سايره بكل نظام	الدنيا من يوم ما تخلقت
ولا النهار بيكون ف ظلام	لا الشمس يوم طلعت بالليل
والحق مش عاوز برهان	الصنعه تنبي على الصانع

ومن سماه تنزل فيه وتختلط بذببات الارض  
 يطلع ثمر اشكال واللوان رزق العباد شيء لم ينفض  
 خلق سمك . وطيور . ودواب عشان عباده مايكلوش بعض  
 ويستحيل يحصل اهل ! في خلق مولانا الرحمن

( نعم ) اله العرش كثير ماخذ يقدر يحصيا :  
 عطاها للعالم علشان يؤدوا واجب معطيها  
 ويشكروا فضله عليهم وطاعته مايهونوا فيها  
 أنزل لمعرفة الناس بيه ثلاث ( كتب ) قبل القرآن

وابلغ كتاب هو الرابع : نزل على قلب ( المختار )  
 بلاغته خلت كل فصيح : عدم فصاحته وبقى مختار  
 ( كفار قریش ) قالوا وغيرهم على النبي واحد سحار  
 والبعض اسلم على يده : وصاروا من اهل الايمان

صفت قلوبهم للخلق واخلدوا له ف أعمالهم :

نور الحقيقة خلاهم ضحوا بحياتهم وبما لهم  
بعد الهوان في سبيل الله النصر وعد الله جالهم  
من ضمن أنصار الدعوه عمر . وأبو بكر . وعثمان

بعد النبي الساف الصالح بأشد عزم الدين نشره  
والحق من دون الباطل بعالي همهم نصره  
وحبهم كان ف الزايد لبعض والاخلاص ظهوره  
ف الطاعه كل اجتماعهم والبر والخير والاحسان

وان حد يوم قلبه اتغير من يم واحد يبصاره  
بكل شيء منه بداله يروح قوام دكه مصالحه  
ما ينجاها رش زعلان منه والثاني يصفح ويسامحه  
يعود صفا قلوبهم حالاً ويفضلو أحباب اخوان

وان حد كان بده يعاهد واحد وواثق فيه هو  
ياخذو العهد مع بعضهم على الصداقه والحوه :

ويطلعه على أسرارهِ :      التي ف ضميره من جوه  
يلقاه الأمين التي يحافظ      ع السر ديمًا بالكتمان  
والابن كان طابع لآبوه      مش ناسي فضل التربيهِ  
لأنه رباه وهو صغير      بكل عطف وحنينه  
صرف عليه دم قلبيه      عشان ما يطامش بليه  
لكن كبير الفرق ما بين .      ناس الزمان دا وأهل زمان  
في عصرنا الابن اما يكون      كبر خلاص والذي منه  
يقوم يسىء على أبوه أدبه      وبده أبوه يصبح ابنه  
وينسى حق التربيهِ      والفضل يترد لجبنه  
حسك تقول إن دا يكسب      مدام غضب والده المنصان  
وان خدت لك واحد صاحب      واديته سرّك ع الداشي  
وعاهدته ع المصحف يمكن      ف ساعه برضه يروح فاشي  
وينسى ايده الى بسطها      وقت الحين رلا شلهاشي

ويبقى مخلص قدامك	ومن وراءك سوسه وتعبان
لوشخص ذات مره اتاثر	من حد مايجلبوش سيره
ويخلى قلبه متعكر :	من جهته أ كبر تعكيره
والحقده فيه عمال يولد	والوش فيه التكشيره :
وايش عرف الثاني بزعله	مدام ماقالوش أنا زعلان
من قلته التقوى العالم	كلوا الربا والزور شهدوه
ع الحق داسوا برجليهم	والباطل إن ميل سندوه
الناس دى بس أنا مش عارف	م الدنيا إيه اللى ياخدوه
بالذمه طالبت غفلتهم	وقلبهم أصبح مرضان
كنوا الخاليق والله زمان	يخافو يطش اللى خلقهم
وأما الآن طول بيهم	طفوا وفسدت أخلاقهم
باين عليهم مش خافين	لنار جهنم تحرقهم
ضعف إيمانهم يا خساره	تمادوا خالص ف العديان

يا هل ترى ضلينا ياناس والاشيطان استولانا  
ولأمتى نفضل يا خلائق عاصيين أوامر مولانا  
يارب لطفك بعبيدك ارحمنا واتولى هداانا :  
اجعلنا من أهل الطاعة واعصمنا من فعل الشيطان

### ﴿ التوبة الكاذبة ﴾

ناس هلس كثير	في نص شعبان بيتوبوا
رمضان ما يطير	ويصوم وارمضان وف آخر
رجعوا الخيامير	تبص تلقاهم حالا
عند السكبير	كان مال الدين قيمه
سكبرى وحشاش	وان كان بعيد عنكم واحد
ما بير كهاش	غفلان وعاصى طول عمره
طول الايام	يسكر ويفضل ف ملاهي

وقليل كان لما يتوب له	شهرين ف العام
في رمضان يشعل نفسه	بالصلا والصوم
وقبل رمضان ما يعلو	بتناثر يوم
تلقاه رجع للمعصيه	ثاني زى ما كان
بايه د' تنفع صلواته	وصيام رمضان
ومن كده تلقي ياخويه	ح يضيع الدين
وزاد كان اسبنا بناتنا	عموا الفسطين
ميت ألف موده والركبه	تلقى الفستان
من غير كهم وسفور زايد	مجن الذسوان
حلقوا الخفاير يا مصيبتى	على قص الشعر
الست ليه عند مزين	تحلق بالشهر
أوربا بتخف سفورها	واحنا زايدين
ف البدع وأعمالنا فظيعة	يا مصر يرب

المصري ليه يودى كريمة	مدرسة الروم
تترك ديانتها وتفعل	تحفظ علوم
أورو باويه وتعلم	والعلم كبير
على بال ماتكبر يلاقها	راغبه التنصير
وعايزه تبقى الأفرنكه	والا افرنسيه
المزمل ( بكيمته ) هانم	بزياده عليه
وف الزمان دا ناس يامه	يحبوا المال
وبالربا عايشين أمرا	ويحوزوا أموال
أنا مش بقول ع الأغنيا	أهل الأحسان
اللهى بيزهدوا ف الدنيا	ويدوا الغلبان
اسكن كلامى لناس خلوا	اسلامنا ضعيف
ومغوررين ف زمن فانى	الطف يالطيف
طال الأمد صار معظمنا	بقاوب جا حدين



زى الحديد ام ييلينوا	أبدًا للدين
أعمالنا دى رايحه تضيع	منا الايمان
كفى ياناس خلونا نبقى	زى اهل زمان
نخاف من المولى وديما	نتفكر فيه
ميقتين انه خلقنا	وح نرجع ليه
ونفوق لدينا ونستوعظ	ونكون عارفين
بالله ونعرف ان احنا	لله راجعين
مفيش مفر ولا مهرب	رح نهرب فيه
يجب نطيع أمر بارينا	و بلاش نعصيه
ونحفظ الدين ونحلى	ايماننا شديد
ونكون ياناس امه تقيه	والتقوى تزيد
ف قلوبنا يا اخوان حتى	يرضى الرحمن
علينا بابتغنا مرضاته	نحظى الغفران

والسنة لازم نحييها ونمحي البدعات  
ونلم على قد ما تقدر جبل الستات  
ونحيب بناتنا نعلمهم في مدارسنا  
ونترك التربية اللي رح توكسنا  
ونصوم رمضان ونصلي بقلوب خاشعين  
وقد إمكاننا نزي ندى العايزين

### ﴿ الأسراء ﴾

ربنا أرسل (محمد) م العرب أركى رسول  
جاء بالدين القويم اللي مشهور بالأصول  
رحمه للناس أجمعين  
أدى مولانا الرسول الرسالة ع التمام  
زى ما كانت بتنزل وحى طبعاً أو منام  
لم ينم قلب الأمين

( ٤٢ )

صاروا قسمين القبائل يا هذا من كان مساعده  
والى كان منهم معاكس ف الدارين يستلقى وعده

الى راح يشفع له مين

طلبوا منه المعجزات قال كبيرهم هوشوه  
والنبي من حسن خلقه كان حلیم ع الى يسيؤه  
أصبحوا به مؤمنين

أدهشهم معجزات ليلة الاسراف رجب  
الى أسرى اذرب فيها بالنبي أزكى العرب  
رمز دين المسلمين

أسرى رب العرش ليلا بالحبيب الى اصطفاه  
ليلة الاسراء نبينا مين يا عالم نال علاه  
جائه بالدعوه (الأمين)

الأمين (جبريل) نزل له م السما ومعاه (براق)  
قام طامع وياه وصلى بالرسل والانبيا  
رحبوا به المرسلين

( ٤٣ )

وعلا السبع الطباق والملايكة من وراء  
حتى عرش ذوالجلال لما شافوا النور غشاه

وقفوا هم مسبحين

والأمين جبريل تخلى عن رسول الله وقال  
دا الحبيب والمولى ربه شاهد (احمد) نور جمال

ربنا الحق المبين

سيدنا موسى حين نزوله قابله في إحدى الطباق  
قال له ياخير البريه ياختم الأنبياء

أو امامهم مأمومين

قولاى ايه اللهى انت جيت به للخلايق م الاله  
جاوب المختار وقال له كل يوم خمسين صلاه

ع الخلايق من روضين

قال له من غير أمر ارجع واسأله التخفيف شويه  
قام رجع خير الانام جاء بالاقوات دهييه

خمسة بس ومبروكين

( ٤٤ )

صبح، ظهر، وعصر، مغرب والعشا الوقت الاخير  
لما نديمهم حقوقهم ؟ نلقى ثوابهم كبير  
ننكتب م المقبولين

ربنا ييمهم نهانا عن جميع المنكرات  
الى ما يرضاش عملها لو نداوم ع الطاعات  
نبقى من اهل اليمين

إنما فيه ناس كثير خالفوا علام الغيوب  
لما فعلوا المنكرات كسبوا م الدنيا الذنوب  
آه يا ويل المذنبين

والمسييه الناس دى تعرف إن شرب الخمره منكر  
وتلاقيها برضه دايماً : تغضب الرحمان وتسكر  
منهم ضاع اليقين

منهم الى صحيح يتوبوا أشهر الحرام الثلاثه  
وأما تخلص دى الشهور يتركوا العبادات بتاتاً  
ع الفساد متعودين

بعد ما كانوا يمشوا      زى سعداء الدارين  
يدوا للديان حقوقه      والسمح ماليه الأيدين  
أصبحوا المذمومين

الى عاصيين الاله      دائماً إيه رح ينربهم  
المعاصي ويستفيدوا      إيه خلاف كثرة ذنوبهم  
فيه ( كرام كتيبن )

لجل أعمال ابن آدم      كل واحد له كتاب  
يكتبوا عمله الملائكة      فيه إلى يوم الحساب  
يوم يشيب فيه البغين

يبقى يا ويل اللى كانوا      غفلانين فى الدنيا خالص  
عن حقوق الله وكان      الشيطان بالطبع ها يوص  
حقى جاهم عزرائين

الشيطان عمال يضل      فى العباد ملهوش مهمه  
بده كل الخلق تكثر      أما ملعون ابن هرمة  
طب دا ديننا أقوى دين

لما تَتمسك بديننا      ف الدارين نلقى السعادة  
يرضى رب الكون علينا      بالداومه ع العباد  
الى بيها مأمورين

كل مسلم ف الوجود      يبقى لتخلاق مطيع  
يحظى بدخول الجنان      ربنا يهدي الجميع  
حتى يبقوا مخالفين

### ﴿ أول رمضان ﴾

هات روايح شهر الصوم      مفروض ع القوم  
كل سنه صيام ثلاثين يوم      عدوا الأيام  
ويمكن الصبح يا إخوان      أول رمضان  
الى نزل فيه القرآن :      وآياته كرام  
الله أمر فيه الانسان      يستعني جعان  
طول النهار إلا العيان      معلهش صيام

من كرمه قال بعد المغرب      زى ما تطلب

نفسك يا عبدى كل واشرب      نعيم "لاكرام

لكن نهانا عن المنكر      واحنا بننكر

وفعلنا فعلى يعكر :      دم الانسان

دى عين أخوكم يا ماستافت      خنق ما خافت

من الاله ف سنين فانت      قايام رمضان

بقيت أشوف لك ناس فالحرين      عاملين صايين

كانهم م الناس خايقين      دا "خوفم الله

وف الحقيقه دول صايين      عن مجد الدين

وان راح لهم واحد مسكين      وطلب الله :

ما يدلوش قرش يجيب به      شىء يفطر به

والعبد رزقه على ربه :      اللى ما ينام

وشهر رمضان دا يمين      كل حنين

والشحاتين فيه تمحين :      تحيينه تمام



شهر الکرم شهر الحسنات	ادی الشحات
احسان بدون مایقولاک هات	زکی بقرشین
وان کان فی بیتک مشمش تین	أو قمر الدین
والجار فقیر محتاج ملین	بره بصحنین
مش تبقی تا کل ست اصناف	وقر وکناف
وتسیب جیرانک تفطر حاف	ولازمها غموس
خلی ف قلبک حنیه	دی الاتقیا
ف الشهر دا بیوتها تکیه	أکل وملبوس
وبقیة اشوف من نسواننا	وکل جیراننا
طالب الدقیق ویا السمنه	داعلیه تدقیق
تقول جوزها نا عایزه فطیر	انشا الله تطیر
وتجیب لی طلبی بدون تأخیر	یا تكون لی طلیق
ان کان فقیر حیر وروح بالزور	لواحد میسور
بقول له هات احسن معذور	ف قلیل من المال

ياخذ الفلوس زى المجنون      ويقول ممنون

وتنكب على قلبه ديون      ع الميه ريال

كل مرابى دون تلقاه :      ما يخافش الله

يوم القيامة تكون مأواه :      نار يدخلها :

لازم نعيش على قد الحال      يا ابو عبد العال

وربنا يصلح لاحوال      ويعدها :

وبقيت اشوف شبان ماشيين      بقلوب قاسيين

ضالين وم التضليل ناسيين      اسم الرحمن

الشاب منهم ايل ونهار      من قهوه لبار

من اخوكم لسه صغار      وماشى سكران

تلقى الجدع يمشى مشقع :      وتوبه مرقع

وان كان سليم يبقى مبقع      والناس شايفاه

ديماً مخالف أمر الله      وتابع لى هواه

سَمِ الْخَوْرَحِ يَهْدِ قَوَاهِ	وَالنَّارِ مَأْوَاهِ
وَعِنْدِي كُلُّهُ مَفْهُومُهُ	لَكَ يَا حَكُومُهُ:
أُمَّةٌ مُحَمَّدٌ مَظْلُومَةٌ	وَعَلَيْكَ الْحَقُّ
بَتَدَى تَصْرِیحْ لِأَجَانِبِ	جَانِبِهِ مَصَابِ
تَضَرَّنَا شَابٌ وَشَايِبٌ	وَأَسَاسُ لِلْفَسَقِ
مَشْ يَكْفِي سَابِغِهِ حَرِيمُ تَزْنِي	بِرَخْصِ عَلَنِي
ضِيعَتِي دِينُنَا وَلِيهِ يَعْنِي	يَا حَكُومُهُ حَرَامِ
فَعَلَ الْفَسَادُ فِي أَمْتِنَا:	هَانَ كَرَامَتُنَا
وَرَاضِيهِ لِيهِ يَا حَكُومَتُنَا	دَامَشُ اسْمُهُ كَلَامِ

### ﴿ آخِرُ رَمَضَانَ ﴾

وَلِيَّ شَهْرِ الصَّوْمِ الْحَالِ	وَأَنْتَهينَامُ الصِّيَامَ ۞
وَاسْتَلَمَ (شَوَالٌ) بَدَالَهُ	دَامَ بَقَا كَوَالِ كُلِّ عَامِ
	يَا أَفْضَلَ يَا كَرَامَ ۞

الى صام الشهر والله	من رضاء الله بنا له
واللي كان فاطر لعله :	ربنا عالم بحاله
	فى السما جل جلاله
كل شهر صيام أشوف	ف المساجد خلق يامه
يبقو زاحمين الصفوف	بالطرايش والعمامه
	وان رحل يا الله السلامه
إن يا حظ الشهر راح	معظم الى كان يصلى
تلتقيه ساب الصلاح	لما شهر الصوم يولى
	عاده عند الناس على
هو شهر الصوم دابسى	الى مفروض فيه الصلاه
أما باقى العام يامرسى	نبقى عاصيين الاله
	نحتنب ما فيه رضاء
يا خلاق إيه جرى لنا	لما نعصى أمر بارى
مش نخاف أحسن ضالنا	المين دا العمر جارى
	ربنا بأعمالنا دارى

معظم الشبان يا حصره      الشيطان نجس نفوسهم  
في حشيش نسوان وخمره      دائما راميين فلوسهم

غير ذنوب بتشيلها روسهم

عنكوا يا شبان بلغنى      فى العبادہ مہونین .

قلتوا ليه نصلی يعنى      واحنا لسه صغيرين :

اللى ضامن عمره مين :

مين يضمن بالذمه عمره      انه ح يعيش المشيب

دا التقى من سن صغيره      تلتقيه للدين حبيب

آخرته زى الحليب

العبادہ ہى اول      شيء ح يسألنا عليه

ربنا ساعة ما يسأل      مجتذبا يعمل ايه

لما يبقى بين يديه

ليه تقلل فى العبادہ      واحنا بيها مؤمنين

واتخذنا البدع عادہ      فعلنا دا يرضى مين

فهمونى! يا مسلمين :

إمتى يا إسلام نحشى ربنا ونخاف وعيده  
 عيب تكون أعمالنا وحشه تغضبه واحنا عبيده  
 كل أرواحنا بأيده  
 كل مسلم عيب عليه لما يترك فرض ربه  
 العباد بس ليه تنسى يا خالق حاسبوا  
 حاسبوا أنفسكم وعاتبوا  
 عيب نكون اسلام وترك الصلا ونبقى ف ضلال  
 م الضلال قربنا شرك لما شفنا أمدنا طال  
 إمتى ح نسيب الضلال  
 ربنا يجعل ذنوبنا م الذنوب المغفورين  
 ربنا يصلح قلوبنا حتى يأتينا اليقين  
 قولوا يا إخوان أمين



﴿ زفاف استاذى المحبوب حسن افندى البنا ﴾

الليلة الفرح الأَكْبَر      وبلوغ القلب مناه  
مين يقدر منا يعبر      عن فرحه وكتر هناه

---

قلبي من شدة فرحه ..      بهنى حبيب الدين  
وقلوب الاخوان شرحة      واللى ينكر كده مين

---

ازداد الأُنس حبور      والغبطة اليه منسوبه  
الليلة سرور فسرور      م العمر مهش محسوبه

---

وحقيقى جمال ف جمال      زايد ولا يتقدرشى :  
لما اوصف حسن الحال      مش ح اخلص بل متقدرشى

---

الطير ع الأغصان غني      والجمع غشاه النور  
وملوك حضرت م الجنة      بهنى عريس مبرور

---

مخلص للمولى وقلبه      طاهر من يم الدين .  
محفوف بجلال من ربه      له هيبه وعزم متين

غيور ومضحى بماله	وحياته كل ماله
خمسین ألف هنيه له	ينفعنا الرحمن بيه
يحب الرفعه لدينه	ويدل الناس ع الخير
والفضل يعود ليقينه	وثباته وحسن السير
يا حبيب الدين احبابك	سرتهم ليله أنسك
من ساعة كتب كتابك	بهنوا القلب بعرك
دى جميع الناس بتحبك	والكل بلغ ماموله
واللى خلانا نحبك	(حبك ف الله ورسوله)
وقيامك يا محبوب . .	ربطتنا بنشر الدعوى
خلى رسمك ف قلوب	أهل الايمان والتقوى
عملك لله مشكور	وعليه الناس مطالعه
وما حدش ينكر نور	الشمس اما تكون طالعه
ف صفاتك زى ملاك	واحلى من الشهد كلامك



حفظك ربك وحماك	ورفع قدرك ومقامك
أكرمك شاب وتائب	بتحب شرف وعفاف
رزقك مولاك بنسايب	من ناس أمرا وأشراف
شوف عم الحاج حسين	دا اخوك ف الله وحببيك
وكان من بخته الزين	خلاله الشرع نسيبك
أتهني وعيش ف سعادته	تامه وف عز وفير
وابلغ م الحسني زياده	يا مربى الروح يا أمير

﴿ زفاف صديقي السيد افندي ﴾

ربنا طبعنا أمرنا .	بالجواز ا كنه عال
لجن حفظ الدين بتاعنا	جل شأنه ذوالجلال
انت يا متجوز انعم	بالنعيم اللى انت فيه
وانت يا لى لسه عازب	اجتهد ف السعى ليه

اسعى انك تبقى صاحب	بيت ويبقى لك عيال
ربنا طبعاً أمرنا	. . . .
السرور عمال بيكثر	والهنا عمال يزيد
لما شافو الأنس وافي	باجتماعنا ذا السعيد
كل داعلشان عريسنا	بلغه ربه الآمال
ربنا طبعاً أمرنا	. . . .
عندي كله بدى أقولها	تسمحولى والا إيه
ناس كثير باسمع تسخط	ع الجواز معرفش ليه
طب دابيه الدين بيكمل	اللي ييذموه رزال
ربنا طبعاً أمرنا	. . . .
الجواز ذا فيه فوايد	يامه بس الوقت فين
واللى اشوفه الوقت إني	أختصرها بكامتين
ياللى نفسك فى العروسه	اجرى شوف بنت الحلال
ربنا طبعاً أمرنا	. . . .

وان لقيت روحك فقير      شوف جوازه قد حالك  
وان نصفت ابعت قرايبك      يخطبولك بنت خالك  
واوعى تحمل هم رزقك      حتي لو جيتم عيال  
ربنا طبعاً أمرنا      . . . . .

اوعى يابن الأصل تطمع      في عروسه تقول غنيه  
عندها أقوال وتنفع      ساعة الأزمه الماليه  
شوف فتاة من أصل طيب      أولى ما تطمع ف مال  
ربنا طبعاً أمرنا      . . . . .

عيشة العزاب أخوك      شافها ما هتش ع المزاج  
هيا يا عزاب جميعا      اسعوا في أمر الزواج  
ابنى (مصلح) قاللى يابا      يالله جوزنى (اعتدال)  
ربنا طبعاً أمرنا      . . . . .

قلمت حاصر عن قريب      يا ابني تفرح بالجواز

قاللى أوعى تجيب فى فرحى	خلت (شخلع) <sup>(١)</sup> والا (باز) <sup>(٢)</sup>
والنقوط منك يا بابا	زجل أقوله ف لاحتفال
ربنا طبعاً أمرنا	. . . . .
الغرض يلزمنى ارجع	للـكلام الأولانى *
من صميم القلب اهني	العريس كل التهاني
الى فرحه حلو خالص	منظره باهى الجمال
ربنا طبعاً أمرنا	. . . . .
يا عريس اتهمى وافرح	بالعروسه وشوف مزاجك
ياسى (سـيد) يا وجيهه	زيد فى أنسك وابتهاجك
يا حبيب القلب يالى	من سرورك فرحى طال
ربنا طبعاً أمرنا	. . . . .
ربنا يكتب سعادتك	عنده فى أم الكتاب

( ٦٠ )

انت والأحباب جميعاً	الى شرف واللى غاب
أسأله يديم الحبه	والصفا والاتصال
ربنا طبعاً أمرنا	. . . .
فى المسرات ابقى اهني	كل أحببى العزاز
فى جواز وطهور ولما	بيجوا طالعين الحجاز
وابقى أنا فى الحج معهم	ع البواخر والجمال
ربنا طبعاً أمراً	بالجواز اكمنه عال .
لجل حفظ الدين نتاعنا	جل شأنه ذو الجلال

﴿ محاوره بين أعزب ومتزوج ﴾

( بمناسبه زفاف صديقى رجب افندى محمد على )

متزوج - أهنى من كل فؤادى وجوارحي كان  
عريس ليأتنا الخفافى رجب المنصان  
سرورى زادلما لقيته سباب العزاب

وقال خلاص أناح أتجوز      يكفاني عذاب  
 شاف الجواز نعمه وراحه      وسرور وهناء  
 وكل واحد له زوجه      مايشوفش عناء  
 خطبوا له بعد العزوبية      ما عرفها ازاي  
 كانت راحه تنشف دمه      من شرب الشاي  
 فضل الجواز دا كبير خالص      يا الله ياشعبان  
 على الجواز اسعوا واجروا      واخذوا الشيطان  
 عازب - بكلمه واحده من فضلك      اسمح لي يا أخ  
 يعنى انت عاوز شبانا      يقم في الفخ  
 ازاي تقول المتجوز      بيعيش مرتاح  
 لازم جنابك بتقوز      وتقول بمزاح  
 لأن محسوبك عازب      وف راحه تمام  
 مايشوفها واحد متجوز      ولا في الأحلام  
 فايق ورايق ما ورهشي      شيء م الطلبات

ومستريح من قولت أنا عايزه . وهات  
 ملوش عيال بتقول يا بابا عاوزين جلايب  
 ولا حرمه تمسك في خناقه إذا كانش يجيب  
 متزوج - برزقك زوجتك وعيالك ما تتش ملزوم  
 المولى ما بينساش خلقه ما تشيلش هموم  
 عازب - على كل حال برضه العازب ما في حل عليه  
 متزوج - وليلا تاني لما ينام وحده تستاهل إيه ؟ ؟  
 ينام فرید للصبحية ما معش ونيس  
 وتحت دش الحنفیه يلعن إبليس :  
 من يوم جوازي وانا ف راحه وسروري مزید  
 من كل شیء ارتاح بالی وبزوجتی سعید  
 ع - إن كنت انت الی ف راحه غیرك مختار  
 تملى بیسب ویسخط ویقول دا مرار  
 م - هو المسيطر علی بیته والسب دا لیه

مدام محسن أخلاقه	رح يحصل إيه
ع - جاز تـكون هـى عنیده	فاسده الاخلاق
من فعلها یرمى علیها	میت ألف طلاق
م - تتعلم الاخلاق منه	لو هوہ نبیه
أما الطلاق دامهش لعبه	رح یحلف بیه
ع - و غیر کده أسباب مانعه	بعض الشبان
من الجواز وانت عارفها	ودارسها کـان
م - ایه اللى مانع شباننا	ما تقوللى امال
ع - مانعهم المهر العالی	ووقوف الحال
القرش أصبح له عوزه	والاصل ملوش
واحد أصیل وقیر حبه	ما یجوز هوش
م - فیه ناس کثیر لم بتدور	على کتر المال
وعایزه ناس م المعروفه	بالاصل العال
وناس کثیر ع العزویه	دیما ساخطین



( ٦٤ )

عارفه السعاده الزوجيه	بتم الدين
ع - بتم طبعاً أنا عارف	انما فيه ناس
مزعليننى ف حاجه ثانيه	
م - قوللى ما فيش بأس	
ع - بيصرفوا مصروف هائل	ولا لهش لزوم
وع العريس المصروف دا	لهو كان ملزوم
عاوزين مغنيات لازم	ومغنيين :
تلقي الحريم والرجال	جوه الصواوين
وحاجات كتير م اللى تفرتك	ألف مراره
لكل غيور على دينه	عنده حراره
ن - ربك يجازى اللى بيعمل	شئ مش محمود
أما الجواز فرض علينا	فرضه المعبود
اسمع نصيحتى واتجاوز . .	حالا علي طول
تقوز بخلفه وزريه	

ع - دا کلام معقول

یصح یاعزاب نخطب فی بنات الیوم  
دی البنت تفرح لوجوها عرسان بالکوم  
وابن الحلال قلبه یدله علی بنت حلال  
لوع الجواز من شباننا یحصل اقبال

﴿ زفاف صدیقی اسماعیل افندی عز ﴾

اللیلہ دی زفاف اُخینا سی (اسماعیل عز) الوجیه  
لیلہ نادیه ع الحباب والقرايب فرحو یسه  
أخ مخلص قد تزوج فرح الاخوان زواجه  
کل واحد منازاد . فرحه خالص وابتهاجه  
کل اخواننا اللیلہ دی فرحوا خالص یاسمعین  
وبله حل السعد بیها . والقلوب متهنین \*

اتهج وافرح وزيد فرح واتمني بعروستك  
 ربنا يديك سعيد ياقر والشمس زوجتك  
 جيت أهنيك لما قلبي الهنا أصبح ماليه  
 أما انا ماقدرش اعبر قد إيه الفرح فيه  
 يس باوصف من سرورى شىء بسيط للحاضرين  
 الى حضروا وشرفونا واحنا بيهم مسرورين  
 وبحضورهم زاد هنانا واجتماعنا صار أنيس  
 دا انتوا آنتونا خالص ثم شرفتوا العريس :  
 فى فؤاد محسوبكو كلمه اسمعوها وصدقوني  
 مشرح اكذب لما أقولها وان كذبت ابقواضر بوني  
 قصدى أقول إن الجواز سنه ديني وفرض واجب  
 فيجب أن يسعى ليه كل واحد لسه عازب  
 الجواز بالذمه أحسن م العزوييه العذاب

دا العازب لما يولام لمبته يتعاص هباب  
 تنطفي وهو نايم ف الظلام وحده يخاف  
 ياتفت ويص جنبه ما يلاقيش غير الاحاف  
 لوح اكرم الكلام دا كل عازب يشمئز :  
 فانا اسبيه احسن واهني مى اسماعيل افندى عز

﴿ من فوق رؤوس الجميع ﴾

بمناسبة انضمام ( جمعية الحضارة الاسلامية بمصر ) لجمعية  
 اخوان المسلمين بشبراخيت والاسماعيلية . والحمد لله وقلت ماياتي  
 اباعن فرع الاسماعيلية .

مولانا يالى اليك مرجعنا بعد الحياة  
 لما اعتمدنا عليك : نلنا جميع الغايات  
 والنصر ما بين يديك انت العزيز الحكيم

أنزلت دين الحقيقة : يارب وانت ف علاك  
 وهديتنا لاقوم طريقه مرضيتش لينا الهلاك  
 وف حفله حلوه رشيقه جمعت أهل النعيم  
 كان كل واحد ف وجهه انت المجمع يارب  
 الفرقه ديماً كريهه لكن لأمرك تحب  
 والحفله طبعاً وجيهه بكل مخلص كريم  
 لنصر دين الطهاره ضحيت يارب الشعوب  
 لنا جماعة الحضاره ألفت بين القلوب  
 مش جهد منا وشطاره دا فضل منك عظيم  
 مكنت حب الاخوه ف قلوب تملئ تناجيك  
 جعلته ثابت بقوه اكمنه طاهر وفيك  
 خليت يارب الفتوه علينا أمميج هزيم  
 دين الاخاء المفدى بالمال ياناس والبنين

لجل التآخى النهاردا      نادى اللى له مخلصين  
 اسلامنا دين الموده      أعداؤه أهل الجحيم  
 للألفه يدعو رجاله      بسرعه حالا قوام  
 بس بكلمه تعالوا      الله عليه ياسلام  
 ف الدنيا مفيش مثاله      بالحق هو القديم  
 والله النهاردا اجتمعنا      مع بعض يا اهل الايمان  
 والفرح مالى اجتماعنا      والبشر زايد كان  
 دا كله لما أطعنا      أمر اللى فضله عميم  
 من (شبراخيت) وفد قام      و وفد م (المحموديه)  
 (١) حضرنا معهم قوام      الكل كتله قويه  
 غاويه الجهاد التمام      أبطال ولهم زعيم  
 أملنا محو الفساد      ونشر كل الصلاح

بذلنا كل اجتهد بدون ما نحمل سلاح  
والرب ويا العباد اللى ضميرهم سليم

---

بالطبع لما لقينا : الدين ح يبق ضعيف  
أرواحنا هانت علينا لنصر ديننا الحنيف  
انشالله تطلع عينينا ويكون عذابنا أليم

---

لا بد نبقى أسود وفينا كل الشهامة  
مدام بقينا جتود لدين عروس القيامة  
عاهدنا رب الوجود والعهد طبعاً قديم

---

مانسيس ديننا يهان واحنا رجال ف الوجود  
دى الوقت آن الآوان نترك مصيبة الجمود  
ونجتمع فى الميدان قدام عدوه اللثيم

---

الائتلاف والمحبة قبل ماديننا يضع  
حتى يرفرر علمنا من فوق رؤس الجميع  
والبدع دا اللى أمامنا نمحيه بأذن الكريم

وقفنا دعيًا ياربى واجعلنا أهل الوفاء  
واكفنا شر الخبي وارزقنا كل الصفاء  
يا لى انت عالم بقابى أنت الرؤف الرحيم

---

### ( الرياضة )

بمناسبة الحفل الرياضى التى تقيمها كل عام  
مدرسة الاسماعيلية الابتدائية الأميرية

---

الرياضة شىء كويس الرياضة شىء جميل  
الرياضة عال تخفف كل جسم يكون ثقيل  
صحة الابدان لذيدة هى لذة الحياه  
تيجى م التكمباز تلى والسباحه ع المياه  
الحياة ماتكونش حلوه إلا بالصحه التمام  
ولكده عامين معاهد للرياضه فى الانام

---



عن مثل طبعاً سمعتوا      دا مثل ساير عميم  
قالم العقل الصحيح      يسكن الجسم السليم

---

والنجاح للأمة ييجى      من نظافة العقول  
شوف بلاد الغرب فاقت      عنا واحنا فى خول

---

إنما بالسعى نبقي      زيهم واحسن كان  
دى العلوم الأصل منا      والشواهد من زمان

---

من دواعي الفرح شفنا      للرياضه قسم على  
فى مدارس الوزارة      شىء يفرح الاهالى

---

شىء يسر القلب منه      شعبنا ديماً نبيل  
والحكومه مشجعهاها      فلها الشكر الجزيل

---

يا حكومتنا الشكر ليكى      انتى ياوزاة المعارف  
انتى أسباب التقدم      للوطن والكل عارف

---

قد حضرنا اليوم نشاهد      هذه الحفلة الرشيدة

لما جينا فرحنا خالص م المشاهده بالحقيقه

شفنا أفعال التلامذه تفرح القلب الحزين

هنيؤهم ياللى جيتم النهار دا مشرفين

ابنى (مصلح) لما يكبر دغرى اجيبه المدرسه دى

لجل يطلع واد مدر دح م التلامذه العينه دى

يا تلامذه شدوا حيلكم مدرستكم عال وجيبه

واضمنوا الرحكوا النجاح والفلاح مادتموا فيها :

وختاما فليعيش الملك ويدوم صفاه

والوزاره دى اللى خلت شعبنا ح ينول مناه

قولوا فليحى محافظا : منطقة خط القنال

وليعيش مأمور بلدنا واللى شرف لاحتفال

فليعيشوا مفتش الوزاره أجمعين

يحى ناظر مدرستكم واللى فيها معلمين

## ﴿ حفلة توديع ﴾

لصاحب الفضيلة الأستاذ حسن احمد البنا افندى مؤسس جمعية  
 الاخوان المسلمين وصاحب فكرتها : عند سفره من الاسماعيا  
 إلى مصر . بمناسبة الاجازة السنوية للمدارس الأميرية . قلده  
 مودعاً ومقرراً بفضلله ما يأتى : —

يا لى أفضالك علينا	ظاهره كالبدر المنير
انت رييت الصغير	انت رييت الكبير
جيت بذلت الجهد كله	وانت ع الاسلام تغير
درت تخطب ف القهاوى	لجل إحياء الضمير
شفته بيطالع ف روحه	والايمان كان رح يطير
وعظك الغالى المؤثر	فتح القلب الضرير
خلى شبان البلد دى	خافو من سوء المصير
حاموا حولك لما شافوا	فضل بديانك ظهور

لك بنا هايلا مشيد	ف البلاد ملهوش نظير
واللى ينكر نور جهادك	كل واحد مش بصير
العا . صابه ف عيونه	أو مزربزب أو مكير
م اللى قالوا الضهر ضالمه	وف ( بؤنه ) الزمهرير
ينظروا بعينهم يشوفوا	جل مولانا ( القدير )
انشاب دى الوقت طاعوا	ربنا باخلاص وفير
نور الايمان قلوبهم	من كبيرهم للصغير
أخلصوا للمولى خالص	لما شافوا الحال خطير
لم يبالوا ف نصر دينهم	لو يباتم ع الحصير
واللى بث الروح دى فيهم	ينصره المولى النصير
إلى نا كر فضل : عامل	بص شوف تصبح خبير

---

جت يا أستاذنا الأجازه	وانت عازم ع المسير
إيه دوا للصبر قوللى	يشترى العبد الفقير

مش ح يحلى الزاد فى بقه	لو يكون العيش فطير
يوم بعادك عام بطوله	ليه دامش بيكون قصير
لولا راحتك فى الاجازه	كنت لازم أستجير :
ف المعارف والا أبعث	ميت تظلم للوزير
يا حبيب الدين يا (بذًا)	بعدكم مش شىء يسير
دا النهار إن شمس غابت	مش ح يقدر يستنير
يا حبيب القلب بعدك	يجعل الانسان يحير
خفف الهجران دا عني	وارحم الصب الاسير
الوداع ياتاج نفوسنا	ودع الاخوان وسير
فى حمى الرحمن وحفظه	بس إوعى تغيب كثير



( حفلة تكريم )

مناسبة طلوع الشيخ حامد عسكريه الواعظ الديني إلى (الحجاز)

عم الشيخ حامد أستاذنا الفاضل

ح يسافر بكره الصبحيه

وازاى الواحد يصبر ياسي كامل

داح يوحش أهل اسماعيلية

---

امبارح جاني قاللى على غفله :

أنا بكره مسافر لحجاز

عرفت اخواني قالوا نعمل حفله

ونودع فيها الاستاذ

---

أستاذنا ياللى الصبح مسافر

على مكة بلد الاسلام

( ٧٨ )

ادعيلنا تملى واهو ربك قادر

يوعدنا بالحج قوام

ونزور بنينا الهادى (محمد)

وتمس إبدينا الشباك

يا (مكة) نادينا وياشيخنا الأجد

ماتخذنا على مكة معاك

﴿ حفلة تكريم ﴾

( بمناسبة نقل الشيخ حامد عسكريه الواعظ )

( الدينى من الاسماعيليه إلى شبرخيت )

ليه ياعم الحاج حامد بس تعزم ع الرحيل

والله رح يألنا بعدك يا واعظنا يا جليل :

دا احنا لما ماشوفكشى يوم بمقدار عام طويل

دأماً عايزين نشاهد رؤيتك ويستحيل :

إننا ع البعد تقدر ساء، والاخلاص دليل

اللى ح يصبر قلوبنا : إيه ياعم الحج : فيد :

طبعاً إنك رح تقول : واعظ البلد الجديد

هوه دا برضك عشمنا والعشم طبعاً أكيد

مرحبا بالشيخ ( محمد ) الترحب به مزيد :

وعظكم به رح يكون البلد ديماً سعيد :

### ﴿ حفلة تكريم ﴾

أقامت جمعيتنا ( جمعية الاخوان المسلمين بالاسماعيلية ) حفلة

تكريمية لصاحب العزة ( على بك الكيلاني ) المفتش بوزارة

المعارف حينما زارها فقلت

نور السعادة هل لنا وقد بدا الليلة ف دارنا

لمنتهى السعد وصلنا لما سعادة البية زارنا



وحضرة الناظر وياه ومعلمين لا ابتدائية<sup>(١)</sup>

عشان حضور صاحب الغزه (على بيه الكيلاني) بلدتنا

قد استنارت من نوره الى ملا جمعيتنا

جمعية الاخوان ف الله طوبى لها والتهنيه

دا فضله ع التعليم سامي نفع المدارس بعلومه

ما قدرش اعبر بكلامي مقدار فضائل معلومه

إخلاصه للاسلام وصفاه خلو عقيدتنا قويه

نور الايمان بالله ظاهر على وجه زير مستبشر

وجهه المنير قلبه الطاهر جعلونا بالخير نستبشر

الله يبارك له ف تقواه ويزيده هيبه وحميه

البية محافظ على دينه مؤدى فرض الله باخلاص

مخلص ف عمله و يقينه مش ركعتين لله وخلاص

نهنشه بطاعة مولاه كل التهاني القليه

## ( رواية : الثلاثة أشخاص )

« عبد الرحمن • فهمي • اسماعيل »

ع - لى صاحب اسمه فهمي      بس غايب مش بشوفه  
 انما واد سكرى خالص      والـكوكابين من كيوفه  
 والحشيش خارب دماغه      والقمار واخذ فلوسه  
 كل يوم يتقضى وقته      ف الملاهى الله يحوسه  
 بدى اقباله اديه نصيحه      تبعده عن دى الموموم  
 اللى ح تتلف حياته :      تقتله زى السموم  
 ف - فانش واحد م الشارع دا      كان معاه من زمان  
 كان يصوم رمضان تلى      واد مصلى ملوش أمان  
 قال يصلى الفجر حاضر      خدلى بالاك م الفساد  
 قلت له يوم يا الله نسكر      قال لى روح العب يا واد

الغرض مارضتش اكثر سينته راح ودخلت بار  
بار (طناشی) فضلت اشرب بيره وامز (بشار)

﴿ المقابله ﴾

ع - مرحباً أهلاً وسهلاً ياسی فهمی كنت فین  
كنت فین بالذمه غایب عن صدیقك جمعین  
ف - انت فاكر يوم ماسیتك رحمت داخل بار (طناشی)  
كان ضمیری انی آخذ شب بيره وتنی ماشی  
اتوزنت وجی خارج الصحاب ندم علیه  
الی ع الباب رجعونی واللی قاعدین مسکوا فيه

﴿ سکوت ﴾

ع - طب وبعد ما مسکوا فیک مش تکل لی الحکایه  
ف - اصلی مکسوف احکیمهالك ربما تزعل معايه  
ع - مش رح ازعل بس احکي بدی اعرف ايه جوالک  
ف - صلی أول ع الرسول ثم خد ویايه بالک

## ﴿ باقى الحكايه ﴾

بعد ماسكرنا جماعه قلنا يا الله نروح نحش  
 السكاره فرحو خالص قصدهم طبعاً نفرفش  
 واحنا قاعدين فى الخانه جم ثلاثه مخبرين  
 عم رضوان وابو علوه واجهل الثالث دا مين  
 راحوا ماسكين دغرى فينا قالوا يا الله ع البوايس  
 كلبشونا وربطونا زى كل الحابيس  
 لما رحنا القسم جالك عم (محروس) بالعصايه  
 تنه يضرب قلت عبده فبن ياريتيه كان معايه  
 ع - ليه ياخويه بتفتكرنى لما كان الضرب فيك  
 تستمنى لى الاذيه روح يا شيخ الله يجازيك  
 ويتركه فيقول له

ف - طب تعالى لما اكمل الحكايه وابقى شوف  
 الى جاز على منها ف الحافظه يا ابو عوف

ع - قول قوام الفجر قرب بدى أصلى ركعتين  
 ف - ما انتهيت وبالاختصار اتحبست جمعتين \*

جمعه منهم شيل جرادل من شخاخ المساجين  
 تانى جمعه خلوا عقلى زى عقل المجانين

ع - لما شفت إن عقلك رح يودع مش تنوب  
 توب لربك دى المعاصى منها تكتر والذنوب

ف - مشيراً إلى وجهه

الخمور حلوه ولذينه شوف تخلى الوش أحمر  
 دانت لما تدوقها مره كل ساعه تحب تسكر

ع - أسكرايه مادمت أعرف شربها سقم وأذيه

ف - آمال ايه بس الحمار دا ع دى علامه جهنميه

اسماعيل - يا جماعه ايه جراكم الزعيق مع بعض ليه

ليكو ساعتين فى مشاجره فهمونى سببها ايه

- روح تقول لك ع الحكايه  
 ا - واحد واحد كلوني  
 وانت قول بالحق واحكم  
 ع - العبارة ان الجذع دا  
 لاندوش معرفش احكم  
 قصده يدح ف الخور  
 شربها يجاب شرور  
 ف - سيدك منه ومن كلامه  
 شوف كلام السكرانين  
 كنه حلوه اسمعها مني  
 ( يا الله نسكرا يسمعين )  
 ا - نسكرايه الله يسمك  
 انت ناسي الأسبوعين  
 دغري تحلف ايمانين  
 دانت لو تعرف ضررها  
 ان ما تشربها عمرك  
 ولا تعرف حشاشين  
 ولا تصرف فيها قرشك
- ف - الكلام داف شرع مين  
 الحنيس والخمر طيب  
 ح اجتنبهم والقمار ؟ ؟  
 ا - شئ يخسر ثم يجلب  
 للفلس الانذار  
 ع - مهما تكسب فيه ح تخسر  
 مكسبك راحياة أبوك

انت تخسر زى غيرك والمكاسب للبنوك  
 ف - طب وايه قواكم كان ف الكوكاين العين  
 الى بدشمه دقيق لجل ما نذفه عجين  
 ا - مناخيرك ناقصه حته

ع - طب وفين النخاشيش  
 ا - نخشوشينه دول وكاهم الهورين ويا الحشيش  
 ع - اه يا نارى ايكنت منى منه لامشى مستقيم  
 ف - طب خلاص ح اسمع كلامكم ثبت لله العظيم .

### ﴿ منالوج الختام للثلاثة . معاً ﴾

شوف الخور يابن الأوطان ازاي بتعمل ف الشبان :  
 والا الحشيش اللي محلى تلتن وطننا صبح تلفان  
 وادى القمار ضيع مالنا والكوكاين بدشمه كان

تتلقى الجدع ف السن صغار	والشم هالك له الأبدان
يسرق ويقتل على شمه	ويقضى طول عمره فأسجان
من الزقازيق لآبو زعبل	ويشوف عذاب أشكال والوان
يا بن الوطن عندي نصيحه	ياللى تحب تعيش منصان
طبع الآله واحفظ نفسك	تعيش سعيد ما تشوفش هوان
وخلي سيرك ودليلك	من الأحاديث ( والقرآن )
وابقى افكر دية الموت	والعمل فيه حساب وميزان
يوم الحساب يبقى الفاسد	له ف الجحيم الذين فدان
والاي يكون عمله كويس	له الجزاء جنة رضوان

### ﴿ لابن الصياد ﴾

الى حضرة الأديب الفاضل محمد افندى نجاتي

الشهير (ابن الصياد) في شربين ﴿

المسلمين صرفوا الهمة في كل فساد



وليـه مصهين بالذمه يا بن الصياد

ياسى نجأتى ما تستعجب على دى الاحوال

وشوف حالتنا اللى تشيب شعر الاطفال

شوف العجوز اللى يسكر والجيب كحيان

وتمشى ف السكه يجمر زى الحرفان

والناس تقول شوف الشايب ازاى سكران

وهو ينسر الحايب اكنه جبان

ينخش جوه الجاره : يصرف ففلوس

وجماعته ف البيت محتاره مش لاقيه غموس

والادهى من دا اما تشوفه طالع م البار

عميان وزى المتلبش : من شرب النار

وعيال تقول سكران طينه خلفه بهليل

ویشوف عدوك م العسكر كل تهديل

يوصلوه القسم وعضمه      زى الفتافيت

من البوانى اللى أكلها      ويا الشلايت

يرحبوا به السجنانه .<sup>٥٠</sup>      اتفضل خش

وان كان من الضرب مافاقشى      ياخدوه ع الدش

والقش لو يغط غلطه      يدوه شهرين

ماينفعوش صاحبه (منولى). ولا صاحبه (حسين)

وشوف كان اللى بيقتل      علشان يسرق

حاجه بسيطه ويتهدل      مش شىء يفلق

والا اللى غراه الدنيا      تلقاه مغرور

يرمى أخوه شقيقه ف داهيه      بشهادته الزور

زمتنا صبحت تتعير      على نص ريال

وضلالنا زاد مش نستعير

ح نوت ف ضلال

أرجوك تبستف یا بنجائی      ف الخلق الدون  
وانا اساعدك بحیاتی      وأكون ممنون

---

حکایه

اسمع ' حکایه عن واحد      فقیر دخل عند الأکال  
وقال له أکلني أما اشبع      أکله لذیذه بقدریال

---

فرح قوی صاحب المطعم :      بالمبلغ الی رح یاخده  
من دی الزبون قام حفصر له      خضار علیه لحمه (دنده)

---

ولما جاب انعیش ملقاش      شیء م الی کان متقدم له  
قام رح وجاب له غموس تانی      ما وجدش عیش وإقامه وکاه

---

بیعی ثلاث أربع مرات      والشخص دامایشب عشی  
زعل نوى الطباخ دا وقال      لامتی رح یفضل یحشی

---

عانه قهول له أکلت کثیر      مکسوف قوی اکنه مقاوله

قام الغرض جمد قلبه ومال عليه بكلمه وقال له

تحب تشرب قال أبداً ما اشربش الا فنص الأكل

لطم على خدوده الطباخ اكمنه شافه بهذا الشكل

خد الريال منه وقال له هوانت (غول) لسه ما كلتش

لا بد تدفع شيء تانى طلع جيوبه وقال فتش

ما وجدش وياه تقديه صعب على الطباخ حاله

عطاه ريالاه الاى أكل به عشان يوكل به عياله

وقال ياعم ادى ريالك : واياك تعتب هنا تانى

لو كان زبائني دول زيك ما كنتش افتح دكاني

﴿ أشواقى الجمه ﴾

لحبيبي المسافر

البعده طول قوى خالص و بقيت ف الام

( ٩٢ )

ويوم بعادك بشعر به      بيمر بعام  
ونفس اشوفك يا حبيبي      واحظى برؤياك  
وتعود ليالى الفرح اللى      قضيتها معاك

---

لابن خالى العزيز  
اشتقت لك يا بن الخاله      والبعد سيجنى ف حاله  
ونفس اشوفك يا بن يوسف      اسمح بقى يوم وتعالى

( تهنئة العيد )

لحبيبي المسافر  
اهنئك يا حبيب قاي      بحلول العيد  
يعود عليك وانت بصحة      وبفرح وزيد  
العيد دا حلو بوجودك      بس انت بعيد  
الله يردك لحبيبك      مسرور وسعيد

## تهنئة حلول رمضان

الى الأديب الفاضل محمد افندى حسنين بمكتب بريد السويس

أخى وحبيب قلبي المنصان      محمد افندى حسنين

اهنئك بحلول رمضان      كل، التهاني يا نور العين

فرد على قائلا

كان حقى اكون قبلك اهنى      من كل قلبي وجوارحى

لكن أدايك سحرتي      فكان لها أكبر فرحى

فأشكره . . . .

نظمت ماياتى لطالب صغير من طلبة «معهد حراء الاسلامي»

بالاسماعيليه ليلقيه فى الحفلة التي أقامتها جمعية الاخوان المسلمين لمناسبة

المولد النبوى الشريف

نور الحبيب المصطفى      لما اشتهر :

الشرك بالله اختفى      والدين ظهر

الأرض فرحت والسما      يوم ما اتولد

والدنيا دى منها العما رح وابتعء  
 من بعء ما كانوا العجم ويا العرب  
 كفار وعباء للصئم أهل الغضب  
 آمنم بدين المرحمه واتمسكم  
 به نالوا كل المكرمه ده مجدكم  
 الدين بتاعنا دين قوى عن كل دين  
 ع ائسعد والخير يحتوى بامسلمين  
 ماتهنوش ف الدين بقى يكفى الرقاد  
 وفقنا ديمس للتعى رب العباد

### اعلان

لمحل الحاقى العظيم « قنصل » بالزقازيق

إن كنت عاوز تفطر فول وف المساتعشى كبابه  
 محل (قنصل) مش مقفول مفتوح وفيه أكل الأجاب

كفت. كباب. فول بالزبدہ وعيش ماتستغناش عنه  
 لو كنت صابع م الكفته تاكل صوابك ورامنه  
 طعامنا جداً تقنينه بكل مافي امكاننا  
 كل الزباين عرفينه يابخت من زار دكاننا  
 (الوز) ف ساعة الصبحيه الله عليه لما تدوقه  
 لذيذ رزى العجميه والزبدہ سايجه من فوقه  
 بالنسبه للحاله الحاضره عملنا تخفيض ف الايمان  
 رطل الكباب لجل الفقرا بستہ صاغ والكفته كان  
 خمس صوابع مش صباعين بقرش صاغ واحد يا بلاش  
 ومن يشوف الرخا بالعين ومن كباينا مايتعشاش  
 محلنا لجل الموعود نضيف وللناس بينادي  
 الله يديم الرخا والجود ويحل عنا الازمه دى



﴿ اعلان ﴾ لمحل ابراهيم السيد المحلاوى جزى بالاسماعيل

يا لى عاوز جزمه آخر	موده شرف عند اخوك
مش تروح ف محل تانى	عند ناس يستلبخوك
عندنا أحسن قوالب	والجلود أصناف كثير
يعجبك تفصيلنا مهما	كان مقاس رجلك كبير
والشروط ساعة ما تاخذ	المقاس تدفع ريال
زى عربون يالى عاوز	مننا جوز جزمه عال
تهز دى الفرصه يا الله	يا لى وياك الفلوس
ادخل الدكان قايس	الا يوم العيد تحوس
بدنا نبسط جنابك	بدنا نهديك يجوز
شغل جيد يستحيل	بعد عام يحتاج للوز
عندنا ذمه ف عملنا	عندنا اخلاص عظيم
بدنا نخدمن وطننا	جربوا شغل ابراهيم

﴿ تم الجزء الأول ﴾













